



NORMATIVA GALEGA DE COMPETICIÓN

TEMPADA 2017-2018



Aprobada en Asemblea Xeral do 14/10/2017





NORMATIVA DE COMPETICIÓN FESSGA

DISPOSICIÓN XERAIS

ARTIGO 1

1.1. A tempada oficial de salvamento iniciárase o día 1 de outubro de cada ano e rematará o 30 de setembro do ano seguinte.

1.2. As competicións aprobaranse pola Asemblea Xeral da FESSGA, mentres que os cambios serán aprobados en comisión delegada.

1.3. É indispensable, para poder participar en calquera competición de ámbito rexional que tódolos socorristas dispoñan da licenza en vigor, tramitada pola Federación de Salvamento e Socorrismo de Galicia.

1.4. As solicitudes de renovación de licenza, cos seus resgardos bancarios, enviaranse á secretaría da FESSGA, ata **20 días** naturais antes da celebración do primeiro campionato do calendario galego no que vaian participar para poder validar as mínimas que poidan acadar en dito evento.

DOCUMENTACIÓN NECESARIA:

- **Resgardo bancario.**
- **Tramitación a través da web da Rfess.**
- **Envío do pdf co listado ou listados de deportistas tramitados.**

NOTA: Toda esta documentación deberá entrar no correo: deportefessga@gmail.com nos períodos e prazos establecidos.

1.5. Non se considerará unha renovación de licenza ou afiliación de club debidamente cumprimentada, se non se adxunta á solicitude de dita renovación, o resgardo bancario correspondente ó pago do mesma, nin en outro formato diferente ó que esixe a FESSGA.

1.6. Ningún socorrista deportivo poderá participar en Competicións Territoriais sen licenza e sen seguro, (tendo en conta todo o anterior.)





1.7. As renovacións de licenza RFESS, coia tramitación séa incorrecta polo incumprimento de algún dos requisitos do apartado 1.4. , terán un custo adicional de 15 €.

COTAS DE LICENCIA ÚNICA FEDERATIVA DA TEMPADA 2017-2018

Licencia	LICENCIA ÚNICA
Deporte adaptado	0 €
Deportista escola ata 6 anos (no compite)	10 €
Deportista menores de 16 anos	35 €
Deportista maior de 16 anos	55 €
Club	230 €
Cronos	31 €
Árbitro territorial	40€
Árbitro nacional	55 €
Directivo club	15 €
Técnico deportivo	80 €

Nota: as segundas licencias valerán 17,5 € sempre que se tramiten simultaneamente. Págase a de maior importe.

ORGANIZACIÓN, DIRECCIÓN E PARTICIPACIÓN

ARTIGO 2

2.1 A FESSGA asume a responsabilidade da organización das competicións oficiais xunto coa entidade designada para organizar a competición.(Campionatos Galegos).

2.1.1. Para as xornadas de liga a FESSGA encargarse de recoller as inscricións, elaborar as series e publicar os resultados, así como nomear os árbitros correspondentes.

Mentres que o club anfitrión encargarse da organización no espazo no que se realicen as probas, praia ou piscina, preverá os colaboradores necesarios para a colocación do material e os cronometradores adecuados e suficientes. (Piscina; 6 colaboradores, 6 cronometradores, un locutor e unha persoa para cámara de saídas. Praia; 6 colaboradores).

2.2 A FESSGA é a encargada da dirección dos Campionatos Galegos: Absoluto, Júnior, Xuvenil, Cadete, Infantil, Alevín e Master de inverno e de verán;

Por isto nomeará:

2.2.1 Xefe de competición.

2.2.2 Comisión de Competición.

2.2.3 Xurado da Competición a través do Presidente de árbitros ou persoa elixida pola FESSGA para desempeñar esas funcións.





2.2.4 O Xefe de competición, terá plena autoridade sobre os asuntos non atribuídos segundo regulamento ó Adxunto do Xefe de competición, xuíces e outros oficiais, e terá a capacidade de modificar o horario das probas ou a orde das mesmas, dar as instrucións necesarias de acordo cos regulamentos aprobados para organizar cada proba.

2.2.5. A Dirección de Competición estará facultada para resolver, en primeira instancia, as posibles anomalías da competición.

O seu veredicto poderá ser recorrido, con posterioridade, ante a Comisión de Competición da FESSGA.

A Comisión de Competición estará formada por:

- 1- O Xefe de competición.
- 2- Un membro Directivo da FESSGA.
- 3- Un membro da organización.
- 4- O xuíz Adxunto da Competición.
- 5- Un representante elixido por sorteo entre os delegados dos clubs participantes.

2.2.6. A FESSGA, nomeará os seguintes árbitros para o control da Competición:

Xuíz Adxunto, Xuíz de Saídas e 1 xuíz de recorrido e os xuíces cronometradores.

ARTICULO 3

3.1. Poderán participar nas xornadas de liga, os socorristas que teñan a correspondente licenza FESSGA.

3.2. Nos Campionatos Galegos de maiores de Inverno, non poderán participar nin en relevos nin en individual, aqueles deportistas que non teñan acadada algunha mínima, agás na categoría alevín, que a participación será libre. Os deportistas das categorías infantil e cadete poderán participar en relevos sen posuír ningunha mínima individual.

3.3. Cada club poderá inscribir dous equipos de relevos en piscina e tres equipos en praia, e un número indeterminado de deportistas para cada proba.

3.4. Un socorrista que non participe nunha proba para a que está inscrito, sen darse de baixa, segundo establece o artigo 8, Apartado 2 non poderá participar en ningunha outra proba da sesión (mañá ou tarde).

3.5. Establécese para a participación nas xornadas de liga de inverno unha cota de 10 € por club e 3 € por deportista, para as de verán de 10 € por club e 2 € por deportista. O club organizador non paga inscrición.





Para os Campionatos Galegos e Copas Galegas organizados pola FESSGA que dispoñan de crono electrónico a inscrición será de 5 € por deportista e 50 € por club. Para os que non dispoñan de crono será de 3 € por deportista.

Os deportistas de outras Federacións de salvamento distintas a Fessga deberán pagar unha inscrición de **15 €** por deportista e **50 €** por club. Non serán admitidas as inscricións que non veñan acompañadas do correspondente xustificante de pago. (Cota destinada ó pago dos xuíces, cronometradores e colaboradores no verán).

3.6. Para as xornadas de liga establececese un límite de participación nas categorías xuvenil, júnior e sénior de 2 probas por xornada.

CONTROL DE INSCRICIÓN.

ARTIGO 4

4.1 Os Clubs terán que cubrir as relacións nominais, no programa correspondente (web oficial Rfess), os tempos acreditados serán os obtidos dende o 1 de outubro da tempada anterior, para as xornadas de liga.

Para os Ctos. Galegos as marcas acreditadas serán as da tempada vixente, acadadas en calquera competición oficial.

4.2 As falsificacións dos nomes ou das idades dos participantes, producirá a descalificación do deportista en todo o evento.

4.3 As relacións nominais, terán que enviarse soamente á FESSGA. ó e-mail: deportefessga@gmail.com

4.4 As inscricións terán que estar feitas o **mércores** antes da xornada de liga correspondente as 00:00 h. e o **luns** no caso dun Campionato Galego. Os Clubs terán que comprobar telefonicamente ou mediante acuse de recibo electrónico a súa chegada

4.5 Non se aceptarán as inscricións que sexan diferentes ós modelos oficiais.

4.6 Para as inscricións terase que utilizar a web de inscricións RFESS.

4.7 Será obrigatorio no momento da inscrición cumprimentar os compoñentes das probas de relevos. Ditos compoñentes poderán ser modificados na reunión técnica ou media hora antes da competición.

FÓRMULA DE COMPETICIÓN

ARTIGO 5

5.1. En tódalas probas dos Campionatos Galegos, as competicións serán da seguinte maneira:





5.1.1 Series eliminatorias e finais.(só praia).

5.1.2 Series contra reloxo.

Cada competición rexerese segundo a fórmula específica que a tal efecto será regulamentada.

5.2. Nas competicións que se celebren pola fórmula de eliminatorias e finais; se só se celebrara unha serie, poderase nadar como unha final e celebrala na xornada de finais, segundo determine o Director Técnico da Competición e previo aviso ó Xuíz Principal.

5.3. Todas as probas de piscina e praia, rexeranse pola norma de SAÍDA ÚNICA, excepto as categorías alevín e infantil.

5.4. Nos Campionatos Galegos con mínimas, haberá dúas táboas.

5.4.1 As mínimas "A" teñen asegurada a participación no citado campionato na proba onde se acadou dita mínima. Nunca se poderá participar en outra proba que non se teña a mínima acreditada.

5.4.2 As mínimas "B" son para completar unha participación máxima por proba de 24 deportistas.

5.5. Nas xornadas de liga de inverno, realizaranse zonais onde participarán na zona Sur todos os clubs de Pontevedra, Lugo e Ourense e na zona Norte todos os clubs da Coruña.

5.6. Nas xornadas de liga as categorías xuvenil, júnior e sénior participarán pola mañá e as categorías alevín, infantil e cadete pola tarde, agás que se compita en domingo, que se fará ó revés. Os deportistas da categoría alevín serán os primeiros en participar nas xornadas de liga.

5.7. Na Copa Galega de maiores disputarase nunha única categoría absoluta.

5.8. Nas ligas de maiores tiraranse as series como absolutas e logo sacaranse as clasificacións por categorías.

ARTIGO 6

6.1. Cando dous ou máis socorristas empaten nas series eliminatorias, tendo a opción de un lugar nas series finais, realizarase unha proba de desempate entre eles que terá lugar ò finalizar a sesión correspondente. Agás o que sinalen as normativas de cada competición.

6.2. Os tempos conseguidos nas probas de desempate constarán nas actas dos resultados e consideraranse válidas como tempos oficiais dos socorristas, sen que por isto se modifique a súa clasificación na proba.

6.3. Se ó celebrarse a proba de desempate, nesta volvérase a producir, realizarase un sorteo.





6.4. Se unha falta pon en perigo as oportunidades de éxito dun socorrista nunha proba, o Xuíz principal está cualificado en probas de piscina a autorizalo a tomar parte en outra serie, ou repetir a serie se a falta se comete nunha final ou proba de praia.

ARTIGO 7

7.1. As baixas das sesións eliminatorias e das finais, o realizarse a baixa nunha final, o deportista na clasificación xeral puntuará por detrás do resto dos finalistas.

7.2. A ausencia inxustificada dun socorrista nunha saída sen ter comunicado a súa baixa, suporá a baixa do socorrista nas probas a competir en toda a sesión.

7.3. Se un deportista non pode disputar unha proba no transcurso da competición, debe comunicalo ó Xuíz Principal, que valorará xunto ó Director de Competición se a causa é xustificada, en caso contrario aplicarase o disposto no artigo 7 apartado 2.

7.4. Se a ausencia dun nadador é causada por unha lesión, que precisa de atención médica, axuntarase o parte médico ou fotocopia ás actas de competición.

ARTIGO 8

8.1. As puntuacións para cada unha das competicións se regulamentarán ó comezo da temporada deportiva.

Os socorristas que participen na final "A" ocuparán os postos do 1 ó 6 (8), e os das finais "B" os seguintes 7 ó 12 (9 a 16), sen que un participante da final "B" se clasifique por diante dun socorrista da final "A", aínda que o seu tempo sexa mellor.

Os socorristas que sexan descalificados, nunha final "A" ou "B", clasificaranse no derradeiro posto da final correspondente, sempre por diante dos non presentados ou baixas, obtendo os descalificados a puntuación seguinte ó derradeiro clasificado e a continuación a puntuación seguinte os non presentados ou baixas. Se os deportistas son dous ou máis, súmanse os puntos destes e divídense entre eles.

Isto será válido sempre e cando a final non sexa directa, en este caso a puntuación sería 0.

A puntuación para as probas individuais será a que se describe no cadro seguinte, sendo o dobre para as probas de equipos.

Nas probas individuais só puntuaran os 3 primeiros deportistas de cada club para as clasificacións xerais de club. Para os puntos individuais da liga e ranking do campeonato cada deportista sumará os seus puntos.





LUGAR	PUNTOS	LUGAR	PUNTOS	LUGAR	PUNTOS	LUGAR	PUNTOS
1	20	5	13	9	8	13	4
2	18	6	12	10	7	14	3
3	16	7	11	11	6	15	2
4	14	8	10	12	5	16	1

Para acadar a puntuación adicional referida ós récords, estes terán que ser batidos no Cto. Galego.

Récord do Mundo:	100 puntos.
Récord de Europa:	80 puntos.
Récord Nacional Absoluto:	60 puntos.
Récord Nacional Categorías:	40 puntos.
Récord Galego Absoluto:	20 puntos.
Récord Galego de categorías:	10 puntos.

Para obter o dereito a unha medalla en finais é condición indispensable que o socorrista participe na final na cal se clasificou e non foi descalificado.

8.2. Os récords Galegos homologaranse coa media de dúas marcas, a do Xuíz cronometrador e a do Xuíz principal, mentres que o resto de récords fará falla unha terceira marca.

8.3. Os récords acadados en xornadas de liga serán recoñecidos pero non sumarán os puntos correspondentes.

8.4. Corresponde ó técnico de cada club, informar ó Director técnico da Fessga sobre os records acadados en Ctos de España, Europa e Mundo. E o nome dos integrantes se o record fora de equipos.

ARTIGO 9

9.1. As reclamas son posibles:

9.1.1 Se as normas e regulamentos para a realización da competición non se respectan.

9.1.2 Se outras condicións poñen en perigo a competición ou ós competidores.

9.1.3 Contra as decisións do Xuíz Principal.





9.1.4 Poderase presentar un vídeo como proba da reclamación sempre e cando estea dispoñible dentro dos 30 min. seguintes a presentación da reclamación e non exista un vídeo oficial.

9.2. Toda reclama deberá presentarse antes de (15 min.) tras a finalización da proba ou antes de (15 min.) dende a publicación dos resultados.

9.3. As reclama que fagan referencia a erros nos resultados dunha competición, deberán facerse nun prazo máximo de 10 días naturais dende a publicación destes na páxina web ou ser enviados por e-mail ós clubs. Si a reclama excede deste tempo non se admitirá a tramite **en ningún caso.**

DOCUMENTACIÓN

ARTIGO 10

10.1. A entrega de documentación efectuarase vía e-mail como mínimo un día antes da competición no correo de cada club participante.

10.2. Non se entregará documentación na competición salvo que houbese que facer rectificacións de última hora.

NORMATIVAS DE IDADES

ARTIGO 11

CATEGORÍAS	MASCULINA/FEMININA
ALEVÍN	Nados no 2008 e menores.
INFANTIL	Nados no 2006 e 2007
CADETE	Nados no 2004 e 2005
XUVENIL	Nados no 2002 e 2003
JÚNIOR	Nados no 2000 e 2001
SÉNIOR	Nados no 1999 e anteriores





CATEGORÍAS MASTER (Cto. Galego independente)	
INDIVIDUAL	RELEVOS
30/45	Libre
+45	

11.2. En canto ás categorías, poderase completar un equipo infantil con alevíns, un cadete con infantís, sempre e cando participe ó menos un cadete en dito relevo. O mesmo poderá suceder nas categorías xuvenil, júnior e sénior, podendo completar un equipo júnior con xuvenís ou un sénior con júnior. **Os deportistas con licencia master só poderán participar en probas master. Non existirá a posibilidade de dobre licencia.**

11.3. O deportista que participe nunha categoría superior, debe manterse nesa categoría durante todo o campionato en canto a relevos se refire.

11.4. Na categoría cadete poderase subir un único deportista de segundo ano, para completar un equipo xuvenil.

11.4.1 Os deportistas da categoría cadete de segundo ano, poderán competir no Campionato Galego de Inverno como xuvenís segundo as mínimas que acaden. Podendo participar nos relevos xuvenís, sempre e cando participe un xuvenil en dito relevo.

11.4.2 Os deportistas da categoría cadete de segundo ano poderán participar nas ligas xuvenís sen puntuar co fin de acadar mínimas para o Galego Xuvenil. Poderán participar 2 deportistas por sexo, proba e club.

11.5. Para os deportistas das categorías alevín, infantil e cadete será obrigatorio o uso de aletas de goma, prohibindo o uso das aletas de fibra, resinas ou carbono.

Para os deportistas das categorías alevín e infantil será obrigatorio o uso de nipper.

CONTROL ANTIDOPING

ARTIGO 12

12.1. Os controis poderanse realizar, no seu caso, durante os Ctos Galegos Absolutos e JÚNIOR de inverno e de verán.

12.2. A Comisión Técnica da FESSGA reserva o dereito de realizar controis cando estime oportuno (segundo Regulamento Antidoping da FESS e do Consello Superior de Deportes).

12.3. Se o control antidopaxe realizado a un deportista, en conformidade coa normativa en vigor, resultase positivo, o socorrista sancionado perderá a súa clasificación, anulando a puntuación obtida en





tódalas probas individuais nas que participara. Entón elaborárase unha nova clasificación para ocupar o lugar vacante.

12.4. Será de aplicación tamén, o disputado no apartado anterior naquel suposto no que o socorrista participe nun equipo de relevos.

12.5. Tódolos deportistas de alto nivel poderán ser requiridos para un control sen previo aviso polo órgano competente.

PREMIACIÓN

ARTICULO 13

13.1. Para acadar ser o mellor deportista de cada categoría na liga, sumaranse Tódolos puntos que os deportistas consigan en cada unha das xornadas de Liga e nos Campionatos Galegos.

13.2. Para acadar ser o mellor club galego da tempada, sumaranse os puntos acadados por todos os socorristas en cada proba individual de cada xornada de liga e Campionatos Galegos en tódalas categorías agás país.

Mentres que os equipos puntuarán unicamente un de cada club, o mellor clasificado, sumando os puntos acadados na posición na que se atopa, o resto de equipos quedarán fora de concurso.

13.3. Os premios das Copas Galegas serán diplomas os tres mellores deportistas por proba.

Lanzamento con corda.

sénior Masculino

1	P.C. Sanxenxo (sxx 01)	00:17,25	40
2	P.C. Sanxenxo (sxx 02)	00:18,18	36
3	P.C. Sanxenxo (sxx 03)	00:18,45	34
4	P.C. Sanxenxo (sxx 04)	00:20,62	28
5	C.N. Umia	00:24,80	26
6	Club SAL	00:23,66	24

Premio mellor deportista : trofeo para o deportista + regalo
Premios os mellores clubs segundo resultados liga.





TOMAS DE TEMPOS

ARTIGO 14

16.1 Cando un club quere realizar unha toma de tempos, e que esta sexa válida para a participación en Campionatos da FESSGA ou da RFESS, debe ter en conta os seguintes requisitos:

1. Enviar a solicitude por e-mail á FESSGA xunto coas inscricións en formato txt dos deportistas que van a participar e o resgardo bancario do ingreso.
2. A FESSGA confirmaralle no prazo máximo de 3 días a dispoñibilidade de árbitro Nacional.
3. O club que solicite unha toma de tempos debe aboar 125 €. Correspondendo 75 € de gestión de competición Rfess e 50 para a cota do árbitro.
4. A FESSGA encargarse de validar os resultados e de envialos á RFESS no formato correspondente.
5. Os clubs deberán ter participado na metade de eventos territoriais de inverno ou a metade mais unha no caso de que sexan impares hate a data de celebración da toma de tempos.
6. O Xuíz nacional debe mandar a acta da toma de tempos ó CNA e á FESSGA por correo electrónico e ordinario.
7. As tomas de tempos feitas por un Xuíz territorial só terán validez no ámbito da FESSGA.
8. Para facer unha toma de tempos, coa finalidade de participar nos campionatos galegos de inverno, o deportista debe ter participado na metade de xornadas de liga. Ou a metade máis unha se son impares.
9. Unha toma de tempos pode ser denegada por non haber árbitros dispoñibles. O arbitro non debe estar vinculado ó club.

